

BINAR TA'LIM USULIDA MASHG'ULOT O'TKAZILDI

Joriy yilning 19-aprel kuni Akademiya Tillar kafedrası katta o'qituvchilari podpolkovnik M.Badalbayeva va G.Xatamovalar 4-batalyon 402-guruh kursantlariga "Hazard, risk and risk assessment" mavzusida amaliy mashg'ulot darsini binar dars usulida o'tkazishdi. Binar dars mashg'uloti o'qituvchilar tomonidan zamonaviy pedagogik texnologiyalar va usullarga tayangan holda real kontekstdagi misollar orqali o'tildi. Jumladan, kun yangiliklarini ingliz tilida yoritish bilan boshlangan darsda kursantlar tomonidan o'tilgan mavzu bo'yicha tayyorlab kelingan slaydlar, plakatlari, videolardan unumli foydalanilib davom ettirgan holda gapirish, tinglab tushunish, o'qish kabi til ko'nikmalarini mustahkamladi. Kursantlar tomonidan yangi mavzuga oid tayyorlangan kichik guruhlarda, juftlikda va yakka tartibdagi o'yinlar, krosvord, savol-javoblarga boy bahs-munozaralar darsga bo'lgan qiziqishlarini namoyon etgan bo'lsa, bu ularning mustaqil tarzda muloqot davomida sohaviy atamalar va iboralarni qo'llash ko'nikmalariga ega ekanligini ham ko'rsatdi.

O'qituvchilar mashg'ulot jarayonini reja bo'yicha "kursant markazda" tarzida tashkillashtirdilar va dars interaktiv uslubda qiziqarli o'tildi, bu borada ular "binar usul"da dars o'tish orqali o'z oldiga qo'ygan maqsadlariga erisha olishdi. Mazkur mashg'ulotda kursantlarga mavzu bo'yicha asosiy ma'lumotlardan tashqari qiziqarli video va audio materiallar ham taqdim etildi.

Dars jarayonida o'qituvchilar tomonidan kursantlarning motivatsiyasini oshirish uchun har xil interaktiv topshiriqlar berildi va didaktik o'yinlar orqali ham jarayon tashkillashtirildi. O'qituvchilarning imkon darajasida mashg'ulot jarayonini bugungi kun talablaridan kelib chiqqan holda tashkil etishlari yangiliklardan foydalanishga intilishlari va bu borada o'z oldilariga qo'ygan maqsadlariga erisha olganlaridan boshqa mashg'ulotda kursantlarga mavzu doirasida qiziqarli va qo'shimcha ma'lumotlarni ham berishni unutishmadi. Mavzu bo'yicha mashg'ulot jarayoni komponentlariga mos ketma-ketlikda, zamonaviy uslublarni qo'llagan holda tashkil etildi. O'qituvchilar tomonidan ushbu mashg'ulot yakunida kursantlarning darsda ishtiroki va faolligi og'zaki fidbek orqali baholanishiga ahamiyat qaratildi.

Mashg'ulotni DTS talablariga to'la mos kelishi, shuningdek, unda ba'zi yo'l qo'yilgan kichik kamchiliklarni ham e'tiborga olgan holda, o'z maqsadiga ijobiy erishganligi qayd etildi. Akademiya Tillar kafedrası professor-o'qituvchilari tomonidan pedagogning kasbiy faoliyati bilan uzviy bog'liq bunday mashg'ulotlarni tizimli tashkil etilishi, o'zaro tajriba almashinuv o'rnida dars jarayonlarni ham ilmiy, ham uslubiy jihatdan sifatini oshirish uchun pedagogik tahlillarni o'tkazib borilishi doimiy yo'lga qo'ilgan.

Xulosa qilib aytganda, bunday mashg'ulotlar kursantlarning ma'naviy ongini boyitish bilan birgalikda Ona Vatanga, kasbiga bo'lgan mehrini ham kuchaytiradi. Binar dars mashg'ulotini o'tkazishdan maqsad zamonaviy pedagogik va axborot kommunikatsion texnologiyalardan samarali foydalangan holda ta'lim sifatini oshirish hamda tayyorlanayotgan kadrlarning raqobatbardoshligini ta'minlashdan iborat.

Akademiya axborot xizmati.

